



Menteri Luar Malaysia, Tan Sri Ghazali Safie, memeluk Putera Norodom Sihanouk di lapangan terbang Bangkok semalam ketika Putera itu singgah dalam perjalanannya ke Indonesia. Turut menyambutnya Menteri-Menteri Luar Asean yang lain. — Gambar AP.

Asean sedia tolak ansur dengan Hanoi

Bahan asal dari Arkib
Negara Malaysia

BANGKOK, Ahad — Pertubuhan Negara-Negara Asia Tenggara (Asean) akan lebih bersedia bertolak-ansur dengan Vietnam dalam menyelesaikan masalah Kampuchea, kata sumber-sumberkan Asean, hari ini.

Sumber-sumber itu berkata, satu keputusan bersama yang dikeluarkan malam semalam oleh Menteri-Menteri Luar Asean di hari terakhir sidang dua hari di ibu negara Thailand itu, menunjukkan kecenderungan mereka untuk merundingkan penyelesaian konflik itu, yang kini memasuki tahun kelima.

Keputusan itu secara umum menolakan tuntutan sebelum ini yang mahukan rundingan mengenai Kampuchea diadakan di bawah anjuran Persidangan Antara-bangsa mengenai Kampuchea (ICK) dan Bangsa-Bangsa Bersatu.

Sumber-sumber itu menambah, ini akan membuktikan kepada Vietnam Asean bersedia menyelesaikan isu itu dalam bentuk dialog, yang mungkin adalah satu persaingan antarabangsa terhad.

Hanoi, sebelum ini enggan menyertai ICK, sebaliknya mendesak diadakan perbincangan serantau mengenai isu yang menyentuh keselamatan dan keamanan di Asia Tenggara itu.

Terpenting

Menteri Luar Vietnam, Nguyen Co Thach memberitahu *Reuters* di Hanoi, minggu lalu, negaranya tidak dapat menerima sebarang campur tangan PBB di Asia Tenggara selagi ia mengiktiraf rejim Pol Pot.

Pemimpin Khmer Rouge yang disokong oleh China itu melakukan berbagai keganasan sewaktu memerintah Kampuchea.

Kumpulan itu, yang ditewaskan oleh tentera Hanoi pada bulan Disember 1978, kini adalah pasukan

terpenting dalam kerajaan campuran Kampuchea yang diiktiraf oleh Bangsa-Bangsa Bersatu.

Enclik Thach berkata, PBB telah membuat banyak kesilapan di Indochina dalam tempoh 30 tahun yang lalu. "Mereka masih ada tempat untuk Pol Pot di PBB — satu perkara yang amat tidak baik — dan itulah keputusan mengenai Kampuchea bagi mereka," katanya.

Menteri-Menteri Asean tidak menggariskan kemungkinan bahawa salah seorang dari mereka akan melawat Hanoi untuk merundingkan pengunduran tentera Vietnam dari sempadan Thai-Kampuchea, sebagai langkah pertama ke arah pengunduran sepenuhnya, kata sumber-sumber itu.

Vietnam dianggarkan mempunyai 180,000 askar di Kampuchea, kebanyakannya dekat dengan sempadan Thai di mana pejuang-pejuang Demokratik Kampuchea mempunyai pangkalan yang diiktiraf. — *Reuters*.